

佛說大乘菩薩藏正法經卷第十一 趙一

譯經三藏朝散大夫試光祿卿僧正大師賜紫沙門臣惟淨等奉詔譯

如來不思議品第四之五

復次舍利子云何名為如來種種信解智力
謂佛如來於諸衆生諸補特伽羅所有信解
種種差別如來一一如實了知若諸衆生本

地一

乙

住貪愛於瞋起解廣如經說若諸衆生本住
著癡於瞋起解如來一一如實了知若諸衆
生本住不善之法於不善法起解如來一一
如實了知若諸衆生本住善法於善法起解
如來一一如實了知若諸衆生修下劣行於
殊勝法而起信解如來悉如實知若諸衆生

修殊勝行於下劣法而起信解如來悉如實
知若諸衆生修下劣行於殊勝分位而起信
解如來悉如實知若諸衆生修殊勝行起下
劣解如來悉如實知若諸衆生於邪定聚而
起信解取彼定法如來悉如實知若諸衆生
於正定聚而起信解取彼定法如來悉如實

知若諸衆生於正定聚取彼解脫如來悉如
實知若諸衆生信解欲界定法從欲界入如
來悉如實知若諸衆生信解色界定法從色
界入如來悉如實知若諸衆生信解無色界
定法從無色界入如來悉如實知若諸衆生
信解三界定法徧三界入如來悉如實知若

諸衆生本住下劣分位而得殊勝之法如來
悉如實知若諸衆生本住殊勝分位而得下
劣之法如來悉如實知若諸衆生起種種信
解種種色相種種受用種種領納如來悉如
實知若諸衆生信解以先業故當感墜墮如
來悉如實知若諸衆生信解脫之法取彼解

脫如來悉如實知如來如是如實知已隨其
所應即為說法

舍利子此是如來信解智力無有邊際與虛
空等若諸住信菩薩於佛如來種種信解寂
勝智力聞已淨信超越分別離諸疑惑後復
生起身喜心喜適悅之相發希有想

尔時世尊重明斯義說

伽陀曰

世間種種信解法
即彼信解如所思
若於貪法起信解
若瞋若癡義亦然

過未現在無限量
佛人中尊皆曉了
而本住著瞋分位
佛隨信解皆明了

趙一

二

住貪住癡等諸法
相續無間徧所行
若諸衆生下劣行
行勝解劣義亦然
若衆生取邪定聚
所有三界解脫門

隨心所持難思度
能仁勝智皆明了
還復信解廣大法
佛調御尊皆明了
來還所起亦復然
佛隨信解皆明了

所生色相種種異
隨先業故報無差
隨其信解了知已
第三勝解智力門
舍利子如是如來第三信解智力如來應供
正等正覺以具勝智力故了知勝處於大衆

受用差別亦復然
二足勝尊皆明了
如其所應為說法
佛子當生清淨信

中能師子吼轉妙梵輪一切世間天人魔梵
悉不能轉無與如來同其法者
復次舍利子云何如來種種界智力謂佛如
來於種種界如實了知若諸衆生於諸世間
以諸福行而為長養如來悉能如實了知若
諸衆生以非福行而為長養如來悉能如實知

若諸衆生以不動行而為長養如來悉能如實
知若諸衆生修出離行如來悉能如實知又舍
利子如來悉如實了知眼界色界眼識界云
何能知謂佛了知內空外空內外空故乃至
意界法界意識界悉如實知云何能知謂佛
了知內空外空內外空故又舍利子如來了

趙一

三

知地界水界火界風界及虛空界悉如實知
云何能知謂如虛空故亦然了知如來悉知
欲界色界及無色界分別所起知有為界是
造作相知無為界是無造作相知雜染界是
客塵煩惱相知清淨界是自性明亮相知諸
行界是不如理作意無明相知涅槃界是如

理作意明智相

又舍利子若諸界依止諸界安住諸界隨順諸界建立諸界作用諸界意趣諸界寂定諸界住著如來一一如實了知隨所知已即為說法舍利子此是如來種種界智力如是勝力無有邊際若諸住信菩薩於佛如來如是

智力聞已淨信超越分別離諸疑惑後復生起身喜心喜適悅之相發希有想

爾時世尊重明斯義說伽陀曰

一切世間諸衆生 以種種界為依止
隨轉界趣義亦然 佛無上尊皆明了
福非福及不動行 諸出離界義亦然

隨諸界趣安任心 涅槃無動常寂靜
所有眼界及色界 彼眼識界亦復然
耳鼻舌身意界中 如來如實皆明了
於其法界了知已 彼意識界亦復然
了知諸法內外空 此即能仁大智力
地界水界及火界 而彼風界亦復然

如是諸界徧了知 猶如虛空等無異
所有欲界及色界 彼無色界亦復然
如來如是徧了知 及彼分別所起等
而彼虛空無邊際 諸界無邊亦復然
佛於一切雖徧知 不起我心能了解
了知諸界無所生 亦知諸界無所滅

如是諸界寂靜心 無上丈夫皆明了

如其虛空無邊際 佛智無邊亦復然

以無碍智悉了知 種種信解皆解脫

知心所起信解已 俱胝衆生悉調伏

如來第四力圓成 佛子當生清淨信

舍利子如是如來第四智力廣說乃至無與

如來同其法者

復次舍利子云何名為如來根勝劣智力謂諸衆生所有根性若勝若劣如來一一如實了知云何能知謂下根中根及彼利根亦復徧知殊勝諸根乃至積集分別從貪所起諸業根性從瞋所起諸業根性從癡所起諸業

根性如來悉如實知如是分別諸業虛妄所起貪瞋癡等皆如實知如是分別諸根從貪瞋癡少分所起者如來悉如實知分別諸根從貪瞋癡廣大所起者亦如實知分別諸根從貪瞋癡執著所起者亦如實知若善因根性若不善因根性若不動因根性若出離因

根性如來悉如實知

又舍利子如來徧知一切衆生眼根耳根鼻根舌根身根意根女根男根命根苦根樂根憂根喜根捨根信根精進根念根定根慧根未知當知根已知根具知根如是二十二根如來悉如實知又諸根中若根根因通耳根

分位非鼻根舌根身根如來悉如實知若耳根因通鼻根分位若鼻根因通舌根分位若舌根因通身根分位若身根因通眼根分位如是諸根因及分位如來悉如實知若諸衆生有布施根性修持戒行如來了知自佗根故即為宣說布施之法若諸衆生有持戒根

越

五

性修布施行如來了知自佗根故即為宣說持戒之法若諸衆生有忍辱根性修精進行如來了知自佗根故即為宣說忍辱之法若諸衆生有精進根性修忍辱行如來了知自佗根故即為宣說精進之法若諸衆生有禪定根性修勝慧行如來了知自佗根故即為

宣說禪定之法若諸衆生有勝慧根性修禪定行如來了知自佗根故即為宣說勝慧之法總略乃至諸菩提分法亦如是說若諸衆生具聲聞根性修緣覺乘行如來了知自佗根故即為宣說聲聞乘法若諸衆生具緣覺根性修聲聞乘行如來了知自佗根故即為

宣說緣覺乘法若諸衆生具大乘根性而修聲聞緣覺乘行如來了知自佗根故即為宣說大乘之法若諸衆生具寂上乘根性修大乘行如來了知自佗根故即為宣說寂上乘法若諸衆生具不堪任非法器根性如來了知無所堪任非法器已即當捐棄若諸衆生

有所堪任是法器者如來即為宣說正法舍
利子如來於一切眾生中若觀察諸根而悉
了知不觀察諸根亦悉了知若出離根者而
悉了知不出離根者亦悉了知隨諸眾生何
等根性若諸行法若意樂因若緣若障若究
竟處若最後根如來一一皆如實知

尔時世尊重明斯義說伽陀曰

趣向彼岸諸根性 知眾生性及意樂
世間諸根徧了知 人中師子宣正法
普觀下中上根器 未曾有智而徧轉
知解脫器諸眾生 智宣勝法令開曉
決定煩惱諸所起 隨眾生根少或多

如諸根性徧了知 隨順宣說智行法
若諸眾生具善根 或具不善諸根者
眼耳鼻舌身意根 苦樂憂喜捨根性
信進念定慧根等 男女命根亦復然
如其宣說彼信根 餘根勝義亦如是
根性所行及諸相 隨眾生意而徧轉

越一

六

應根宣說勝法門 智善明了諸苦法
聲聞諸根難解脫 唯佛菩提善出離
聲聞不知佛智因 為說菩提取勝力
舍利子此是如來第五智力廣說乃至無與
如來同其法者
復次舍利子云何名為如來至處道智力謂

佛如來徧一切處所向之道皆如實知云何
能知若眾生界住正定聚者住不定聚者住
邪定聚者一一了知若住正定聚眾生界者
所有因力及彼先行而悉具足開明利根如
來知彼有所堪住是解脫器隨昔因力而為
說法若住不定聚眾生界者以彼緣力成熟
相故隨其所應說法教授即得解脫若緣力
未熟即不解脫如來俟其因緣和合值佛出
世即為說法彼於佛所得聞法已深固勤行
乃得勝果若住邪定聚眾生界者不修正業
根性癡暗非其正器如來不為說法以其無
所堪任非解脫器如來知已即當捨棄是故

諸菩薩應當勤行被精進鎧又舍利子如來
 了知三種貪處謂有貪處善相所起復有貪
 處邊際相所起復有貪處先因所起如來了
 三種瞋處謂有瞋處惱害相起復有瞋處貪
 不滿意所起復有瞋處宿習所起如來了知
 三種癡處謂有癡處無明因所起復有癡處

趙一

七

有身見因所起復有癡處疑惑因所起如來
 一一如實了知又舍利子如來於諸苦處以
 迅速神通而能了知以其利根或於苦處以
 遲緩神通而能了知以其柔軟根故又復如
 來於諸樂處以迅速神通而能了知以其利
 根故或於樂處以遲緩神通而能了知以其

柔軟根故又於遲緩處以遲緩神通而能了
 知以障道故於遲緩處以迅速神通而能了
 知令得輕安故於迅速處以遲緩神通而能
 了知以無畢竟安隱故於迅速處以迅速神
 通而能了知以無別異故又復有處得決擇
 力圓滿非修習力有得修習力圓滿非決擇

力有修習力及決擇力皆得圓滿有修習力
 及決擇力皆不圓滿如來一一如實了知又
 復有處意樂具足行不具足有行具足意樂
 不具足有意樂具足行亦具足有意樂不具
 足行亦不具足如來一一如實了知又復有
 處身業清淨非語非心又復有處心業清淨

非身非語又復有處身語心業皆不清淨又
 復有處身語心業皆悉清淨如來一一如實
 了知

舍利子所有一切衆生於一切處所作因業
 若動若寂如來以無碍智隨衆生轉舍利子
 如是如來至處道智力無其邊際與虛空等

八末

諸住信菩薩聞已淨信超越分別離諸疑惑
 後後生起身喜心喜適悅之相發希有想
 佛說大菩薩藏正法經卷第十一 趙一